

اتوار 14 ستمبر، 2025

مضمون۔ مواد

سنہری متن: افسیوں 2 باب 8 آیت

”کیوں جے تہانوں ایمان دے پاروں فضل نال ای مکتی ملی اے تے ایہہ تہاڈے ولوں نہیں۔ رب دی بخشش اے۔“

جوابی پڑھائی: فلیپیوں 3 باب 13، 14، 16، 20 آیات

فلیپیوں 4 باب 6 تا 8، 20 آیات

13- اے بھراؤ! میرا ایہہ خیال نہیں پئی پھڑیا گیا واکہ بس ایہناں کرداں واکہ پئی جیہڑیاں شیواں لنگ گیاں اوہناں نوں بھل کے اگے دیاں شیواں ول ودھاں۔

14- نشان ول دوڑداجانا واکہ تاں جو اوس انعام نوں پانواں جیدے لئی رب نے مینوں مسیح یسوع وچ اتے سدیا اے۔

16- بہر حال جتھوں تیکر اسی آپڑے آں اوہدے مطابق ای ٹریئے۔

20- پر ساڈا وطن آسمان اُتے اے تے اسی اک منجی یعنی خداوند یسوع مسیح دے او تھوں آون دی اڈیک وچ آں۔

6- کسی وی گل دی فکر نہ کرو بلکہ ہر گل وچ تہاڈیاں درخواستاں دعائے منت دے راہیں وڈیائی دے نال رب دے سامنے رکھیاں جان۔

7۔ تے رب دا اطمینان جیہڑا سمجھ توں بالکل باہر اے تہاڈے دلاں تے خیالاں نوں مسیح یسوع وچ محفوظ رکھے۔

8۔ اے بھراؤ! جنیاں گلاں سچ نیں تے جنیاں گلاں شرافت دیاں نیں تے جنیاں گلاں واجب نیں تے جنیاں گلاں پاک نیں تے جنیاں گلاں پسندیدہ تے جنیاں گلاں دلکش نیں غرض جیہڑیاں نیکی تے تعریف دیاں گلاں نیں اوہناں اُتے غور کریا کرو۔

20۔ ساڈے رب تے باپ دی سداوڈیائی ہندی رہوے۔ آمین۔

درسی وعظ

بائبل وچوں

1۔ متی 26 باب 19 (؛: 31)، (؛: 33)، 35، 59، 60، (؛: 63)، 65، (؛: 66)، 69، 75 آیات

19۔ تے جد اں یسوع نے چیلیاں نوں حکم دتا سی اوہناں نے اوہداں ای کیتل۔

31۔ اوس ویلے یسوع نے اوہناں نوں آکھیا تھی سارے ایسے رات میری وجہ توں ٹھوکر کھاو گے۔

33۔ پطرس نے جواب وچ اوہنوں آکھیا بھانویں سارے تیرے پاروں ٹھوکر کھان پر میں کدی ٹھوکر نہ کھانواں گا۔

34۔ یسوع نے اوہنوں آکھیا میں تینوں سچ آکھداواں پئی ایسے رات لگژدے بانگ دین توں پہلاں توں میرا تِن داری انکار کریں گا۔

35۔ پطرس نے اوہنوں آکھیا جے تیرے نال مینوں مرناوی پووے فیرو دی کدی انکار نہیں کراں گاتے سارے چیلیاں نے وی ایسے طراں آکھیا۔

- 59- تے سردار کاہن تے سارے صدر عدالت والے یسوع نوں مارن لئی اوہدے خلاف جھوٹی گواہی لبھن لگے۔
- 60- پر نہ ملی حالانکہ ہتھیرے گواہ آئے۔
- 63- پر یسوع چپ ای رہیا۔ سردار کاہن نے اوہنوں آکھیا میں تینوں جیوندے رب دی قسم دیناں واں پئی جے توں رب دا پتر مسیح ایس تے ساہنوں دس دے۔
- 64- یسوع نے اوہنوں آکھیا توں آپے آکھ دتا بلکہ میں تینوں آکھنا واں پئی ایس توں بعد تسی ابن آدم نوں قادرِ مطلق دے سچے ہتھ بیٹھاتے بدلاں دے اُتے آؤند اوکھو گے۔
- 65- ایہ تھے سردار کاہن نے ایہہ آکھ کے اپنے کپڑے پھاڑے پئی اوہنے کفر بکھیا اے۔
- 66- اوہناں نے جواب وچ آکھیا اوہنوں قتل ہونا چاہیدا اے۔
- 69- تے پطرس باہر ویڑھے وچ بیٹھاسی تے اک لونڈی نے اوہدے کول آکے آکھیا توں وی یسوع گلیلی دے نال سی۔
- 70- اوہنے ساریاں دے سامنے ایہہ آکھ کے انکار کیتا پئی میں نسئیں جان دا توں کی آکھدی ایں۔
- 71- تے جدوں اوہ ڈیوڑی وچ چلے گیا تے دوجی نے اوہنوں دیکھیا تے جیہڑے او تھے سی اوہناں نوں آکھیا ایہہ وی یسوع ناصری دے نال سی۔
- 72- اوہنے سوں کھا کے فیر انکار کیتا پئی میں ایس بندے نوں نسئیں جان دا۔
- 73- کجھ دیر بعد جیہڑے او تھے کھڑے سی اوہناں نے پطرس دے کول آکے آکھیا بے شک توں وی اوہناں وچوں ایس کیوں جے تیری بولی توں وی لگدا اے۔
- 74- ایہدے تے اوہ لعنت تے سوں کھان لگ پئیا پئی میں ایس بندے نوں نسئیں جان دا تے او سے ویلے لکڑنے بانگ دتی۔
- 75- پطرس نوں یسوع دی اوہ گل یاد آئی جیہڑی اوہنے آکھی سی پئی لکڑ دے بانگ دین توں پہلاں توں تن واری میرا انکار کریں گاتے اوہ باہر جا کے زار زار رویا۔

2- 1 پطرس 1 باب 1، 3، 4، 7، 23 آیات

1- پطرس ولوں جیہڑا یسوع مسیح دار رسول اے اوہناں مسافراں دا نام جیہڑے پنطس، گلٹیہ، کپدوکیہ، آسیہ، تے بتھنیہ وچ رہندے نیں۔

3- ساڈے خداوند یسوع مسیح دے رب تے پیودی وڈیائی ہووے جنسے یسوع مسیح دے مردیاں وچوں جی اٹھن دے پاروں اپنی وڈھی رحمت دے راہیں ساہنوں زندہ آس لئی نویں سرے توں پیدا کیتا۔

4- تاں جواک غیر فانی تے بے داغ تے لازوال میراث نوں حاصل کریئے۔

7- پئی تہاڈا آزمایا ہو یا ایمان جیہڑا اگ توں آزمائے ہوئے فانی سونے توں وی بوہتا قیمتی اے یسوع مسیح دے ظہور ویلے تعریف تے جلال تے عزت دا باعث بنے۔

23- کیوں جے تسی فانی تخم نال نسیں بلکہ غیر فانی نال رب دے کلام دے راہیں جیہڑا زندہ تے قائم اے نویں سرے توں پیدا ہوئے او۔

3- اعمال 3 باب 1 تا 8 آیات

1- پطرس تے یوحنا دے ویلے یعنی تیجے پہر ہیکل وچ جارہے سی۔

2- تے لوک اک پیدا نشی لنگڑے نوں لیاندے پئے سی جنہوں ہر روز ہیکل دے اوس بوہے اُتے بٹھادیندے سی جیہڑا سوہنا آکھواند اے تاں جوں ہیکل وچ جان والیاں توں بھیک منگے۔

3- جدوں اوہنے پطرس تے یوحنا نوں ہیکل وچ جان دیاں ویکھیا تے اوہناں توں بھیک منگی۔

- 4۔ پطرس تے یوحنا نے اوہدے اُتے دھیان نال نظر کیتی تے پطرس نے آکھیا ساڈے ول ویکھ۔
- 5۔ اوہ اوہناں توں کجھ ملن دی آس توں اوہناں ول متوجہ ہوئیا۔
- 6۔ پطرس نے آکھیا چاندی سونائے میرے کول ہے نیس پر جو میرے کول ہے اے اوہ تینوں دے دناواں۔ یسوع مسیح ناصری دے نال توں ٹر پھر۔
- 7۔ تے اوہ داسجا ہتھ پھڑکے اوہنوں کھلاریا تے اوہ سے ویلے اوہدے پیرتے گئے مضبوط ہو گئے۔
- 8۔ تے اوہ پڑک کے کھلو گیا تے ٹرن پھرن لگ پیا تے ٹردا تے پڑکدا تے رب دی حمد کردا ہوئیا اوہناں دے نال ہیکل وچ گیا۔

4۔ اعمال 4 باب 1، 3، 7، 8، 10، 12، 14، 21، 23، 24، 29، 30، 31، 32، 33، 34 (پہلی تا)، 37 آیات

- 1۔ جدوں اوہ کلیسیانوں ایہہ آکھ رہیا سی تے کاہن تے ہیکل دے سردار صدوقی اوہدے اُتے چڑھ آئے۔
- 3۔ تے اوہناں نے اوہنوں پھڑ لیا۔
- 7۔ تے اوہناں نوں وچکار کھلار کے بچھن لگے پئی تسی ایہہ کم کیدی قدرت تے کیدے نال توں کیتا؟
- 8۔ اوس ویلے پطرس نے روح پاک توں معمور ہو کے اوہناں نوں آکھیا۔
- 10۔ تسی سارے تے اسرائیل دی ساری امت نوں پتہ ہووے پئی یسوع مسیح ناصری جنہوں تسی مردیاں وچوں جلایا اوہدے ای نال توں ایہہ بندہ تہاڈے سامنے تندرست کھلوتا ہے۔
- 11۔ ایہہ اوہ ای پتھراے جنہوں تسی معماراں نے گھٹیا جانیاتے اوہ نکر دے سرے دا پتھر ہو گیا۔
- 12۔ تے کسے دوجے نوں ایہہ نال نیس دتا گیا جیدے پاروں اسی مکتی پاسکے۔

- 14- تے اوس بندے نوں جیہڑا چنگا ہو نیا سی اوہناں دے نال کھلوتا ویکھ کے کجھ خلاف نہ آکھ سکے۔
- 21- اوہناں نے اوہنوں ہو ردھمکا کے جھڈ دتا کیوں جے لوکاں دے پاروں ملیا۔
- 23- اوہ جھٹ کے اپنے لوکاں دے کول گئے تے جو کجھ سردار کاہناں تے بزرگاں نے اوہناں نوں آکھیا سی بیان کیتا۔
- 24- جدوں اوہناں نے ایہہ سنیا تے اک دل ہو کے اُچی آواز نال رب توں التجا کیتی پئی اے مالک توں اوہ ایس جسے اسمان تے دھرتی تے سمندر تے جو کجھ اوہناں وچ اے پیدا کیتا۔
- 29- ہن اے خداوند! اوہناں دیاں دھمکیاں نوں ویکھ تے اپنے بندیاں نوں ایہہ توفیق دے پئی اوہ تیرا کلام بڑی دلیری دے نال سناؤن۔
- 30- تے توں اپنا ہتھ شفا دین لئی ودھا۔
- 31- جد اوہ دعا کر چکے تے جیس مکان وچ اوہ اکٹھے سی اوہ ہل گیا تے سارے پاک روح نال بھر گئے تے رب دا کلام دلیری نال سناؤندے رہے۔
- 32- سب ایمانداراں دی جماعت اک دل تے اک جند سی۔
- 33- تے رسول بڑی قدرت نال خداوند یسوع دے جی اٹھن دی گواہی دیندے رہے تے اوہناں ساریاں اُتے بڑا فضل سی۔
- 34- اوہناں وچوں کوئی وی متہاج نیس سی۔
- 36- تے یوسف۔
- 37- اوہی اک پبلی سی، جنہوں اوہنے ویچیا، تے پیسے لیا کے رسولاں دے پیراں وچ دھر دتے۔

5- عبرانیوں 11 باب 1 آیت

1۔ ہن ایمان اُمید کیتیاں ہوئیاں شیواں دا اعتماد تے نہ ویکھیاں شیواں دا ثبوت اے۔

سائنس تے صحت

1- 21:468 (مادہ)۔

مواد اوہ اے جیہڑا ابدی اے تے نیست ہوون تے مخالفت توں بچیا اے۔ سچیا، حیاتی تے پیار مواد نیں، جیویں پئی کلام عبرانیوں وچ ایہہ لفظ ورت دا اے: ”ایمان اُمید کیتیاں ہوئیاں شیواں دا اعتماد تے نہ ویکھیاں جان والیاں شیواں دا ثبوت اے۔“

2- 31:349۔

کر سچن سائنس وچ، مواد نوں روح سمجھیا جاندا اے، جد کہ کر سچن سائنس دے مخالف مواد نوں مادہ سمجھدے نیں۔ اوہ مادے نوں ای سب کجھ سمجھدے نیں، تے روح نال جڑیاں گلاں نوں یا تے بالکل نیں من دے یا فیر اوہناں نوں روز دی حیاتی توں بوہت دور دی شے سمجھدے نیں۔ کر سچن سائنس دا خیال ایہدے بالکل الٹ اے۔

3- 29:136۔

چیلے اپنے مالک نوں دو جیاں دے مقابلے وچ بوہتا جان دے سی پر جو کجھ اوہنے آکھیا تے کیتا اوہ اوہنوں پوری طراں
نئیں سمجھدے سی نئیں تے اوہ کئی واری اوہدے اُتے سوال نہ کر دے۔ یسوع صبر نال تے سیجیائی دی ہستی نوں ظاہر
کر دیاں ہوئے اپنی تعلیم اُتے قائم رہیا۔ اوہدے طالب علماں نئیں سیجیائی دی ایس طاقت نوں بیمار نوں شفا
دیندیاں، بدروح نوں کڈھ دیاں تے مردے نوں جیوند اکردیاں ہوئے ویکھیا، پر ایس عجیب کم دی کاملیت روحانی طور
تے قبول نئیں کیتی گئی، ایہتھے تیکر پئی اوہناں ولوں وی، سولی اُتے چڑھائے جان توں بعد تیکر، جدوں اوہناں دا بیدارغ
استاد اوہناں دے سامنے کھڑا سی، جیہڑے بیماری، پاپ تے عارضے، موت تے قبر اُتے فتح مند ہوئے۔

4- 30-2:325

سچ، جدکے وی دور وچ بولیا جاندا اے، تے اوہ لووانگر، ”ہنیرے وچ چمکدا اے، تے ہنیر اوہنوں قبول نئیں کردا۔“
حیاتی، مواد تے سیان دا جھوٹا فہم الہی ممکنات نوں لکاؤندا اے، تے سائنسی اظہار نوں خفیہ رکھدا اے۔

5- 12-3:43

یسوع دے کم دی وڈیائی، اوہناں لوکاں دیاں نظراں توں اوہد امدادی طور تے گواچناں تے فیر سامنے آؤنا، ایہناں
ساریاں گلاں نے چیلیاں نوں ایہہ سمجھن وچ مدد کیتی پئی یسوع نے کیہ آکھیا سی۔ ایہتھے تیکر تے اوہ بس ایمان
رکھدے سی، پر ہن سمجھ گئے۔ ایس فہم دے آؤن دا مطلب اوہ ای اے جیہڑا پاک روح دے اُترن دا اے، یعنی الہی
سائنس دا اُترنا جسے پیننگو ست دے دن نوں روشن کردتا سی تے جیہڑی ہن دوبارہ اپنی پرانی تاریخ دوہرا رہئی اے۔

یسوع دا خیر ثبوت اوہدے طالب علماں لئی سب توں اچا، سب توں بوہتا یقین دے قابل، سب توں بوہتا فائدہ مند
سی۔

6- 21-16:91

مادی خودی وچ ڈُب کے اسی حیاتی تے سیان دے مادے نوں تھوڑا جیہا منعکس کر دے تے ایہنوں جان لیندے آں۔
مادی خودی توں انکار انسان دی روحانی تے ہمیشہ دی انفرادیت دے بارے جان وچ مدد دیندا اے، تے مادے توں یا
جنساں نوں مادی حساں دی اصطلاح دئی گئی اے اوہناں دے راہیں غلط علم نوں تباہ کر دے۔

7- 21-20، 11-8:326

ساری فطرت انسان دے نال رب دے پیار دی تعلیم دیندی اے، پر انسان رب توں ودھ کے اوہنوں پیار نہیں کر سکا
تے روحانیت دی بجائے مادیت نوں پیار کر دیاں تے اوہدے اُتے یقین کر دیاں ہوئے، اپنے احساس نوں روحانی
شیواں اُتے مرتب نہیں کر سکا۔

سچے مقصد دے نال کم کرن تے دعا کرن نال تہاڈا پیو تہاڈے لئی راہ کھول دیوے گا۔

8- 11-7:179

لافانی سیان اوس شے نوں ٹھیک کر دی اے جیہڑی اکھ نہیں دیکھ سکدی؛ پر سوچ نوں سمجھن تے سچائی دی طاقت نال
شفادین دی روحانی قابلیت تدای فتح پاندی اے جد انسان خود کارر استبازی وچ نہیں بلکہ الہی قدرت دی عکاسی کردا
وکھالی دیندا اے۔

9- 27-15:139

چرچ کو نسل دے ووٹ توں لئے جان والے فیصلے پئی کنہوں پاک حکم مناتے کنہوں ننیں مننا چاہیدا، پرانے شماریاں
 وچ حکم نامیاں دیاں غلطیاں؛ پرانے عہد نامے وچ تہی ہزار وکھریاں پڑھائیاں تے تن سوہزار نویں عہد نامے دیاں
 پڑھائیاں، ایہہ اعداد و شمار وکھاؤندے نیں پئی کیویں اک فانی تے مادی فہم نے الہامی صفحیاں لئی کسے حد تیکر اپنے آپ
 دے، ہنیرے نال الہی ریکارڈ وچ چوری کیتی۔ پر غلطیاں نہ ای پورے طور تے کلام دی الہی سائنس نوں جیویں پئی
 پیدائش توں مکاشفہ تیکر دیکھیا گیا اے غیر واضح کر سکیاں، یسوع دے اظہار نوں برباد کر سکیاں، نہ ای اوہناں نبیاں
 دے پاروں شفا نوں کالعدم قرار دے سکیاں جنہاں نے پیش بینی کیتی پئی ”اوہ پتھر جنہوں معماراں نے رد کیتا“ ”نکر
 دے سرے دا پتھر“ بنے گا۔

10- 32-28:78

روح انسان نوں برکت دیندی اے، پر انسان ننیں جان دا ”پئی اوہ کتھوں آؤندی اے“۔ ایہدے توں بیمار شفا پاندے
 نیں، دکھی تسلی پاندے نیں تے پاپی چھڑائے جان دے نیں۔ ایہہ اک عالمگیر رب دے اثر نیں جیہڑا ہمیشہ دی سائنس
 وچ لگی ہوئی چنگی رہائش اے۔

11- 28-3:278

اوہ سارا کجھ جیدے لئی اسی پاپ، بیماری تے موت دی اصطلاح ورت دے آں فانی یقین اے۔ اسی مادے دی تشریح غلطی دے طور تے کردے آں کیوں جے ایہہ حیاتی مواد تے سیان دالٹ اے۔ جے روح اصلی تے ابدی اے تے مادہ اپنی فانیت دے نال اصلی نہیں ہو سکدا۔ ساڈی نظروچ کیہڑی شے مواد ہونی چاہیدی اے، غلطی، تبدیل کرن والا، فنا ہوون والا تے فانی، یا فیر غلطی توں پاک، ناقابل تغیر تے لافانی؟

12- 5:329 (تھوڑا جیہا خمیر)۔ 13

تھوڑا جیہا خمیر پورے گنھے ہوئے آٹے نوں خمیر بنادیندا اے۔ کر سچن سائنس دی ذرا جیہی سیان جو کجھ میں ایہدے بارے آکھداواں اوہدی سچائی نوں ثابت کردی اے۔ کیوں جے تسی نہ تے پانی اُتے ٹرسکدے اوتے نہ ای مردیاں نوں جو اسکدے او، ایس لئی تہانوں ایہناں پاسیاں وچ الی سائنس دی وڈھی طاقت اُتے شک کرن داوی کوئی حق نہیں اے۔ شکر کرو پئی یسوع نے، جیہڑا سائنس دا اصلی نمونہ سی، ایہہ کم کیتے تے ساڈے لئی نمونہ بنایا۔ سائنس وچ اسی بس اوس شے نوں ای ورت سکدے آں جنہوں اسی سمجھدے آں۔ اسی اظہار دے راہیں ای ایمان نوں ثابت کر سکدے آں۔

13- 12:275

روح، حیاتی، سچائی، پیار یکسانیت وچ جڑ جاندا اے، تے ایہہ سارے رب دے روحانی ناں نیں۔ سارا کجھ مواد، ذہانت، حکمت، ہستی، لافانیت، وجہ تے اثر رب نال تعلق رکھدے نیں۔ ایہہ اوہدیاں خصلتاں نیں، یعنی لا متناہی الہی اصول، پیار دے ابدی اظہار۔ کوئی حکمت سیانی نہیں سوائے اوہدی حکمت دے، کوئی سچائی سچی نہیں، کوئی محبت پیاری نہیں، کوئی حیاتی حیاتی نہیں سوائے الہی دے، کوئی چنگانیں سوائے اوہدے جیہڑی رب دیندا اے۔

جیویں کہ روحانی سمجھ وچ ظاہر ہوئیا اے الٰہی مابعد الاطبیعیات واضح طور تے دکھاؤندا اے پئی سب کجھ سیان ای اے تے ایہہ سیان رب، قادرِ مطلق، ہمہ جانی، علام الغیوب اے یعنی کہ ساری طاقت والا، ہر تھاں موجود تے ساری سائنس داما لک اے۔

14- 24-21:468

روح، جیہڑی سیان، جندیار رب لئی دو جالفظ اے کلا ای اصلی مواد اے۔ روحانی کائنات جیدے وچ انفرادی انسان وی شامل اے، اک اکٹھا خیال اے، جیہڑا روح دے الٰہی مواد دا پرچھانواں اے۔

روزانہ دے فرض

میری بیکرا ایڈی ولوں

روزانہ دی دعا

ایس چرچ دے ہر رکن دا ایہہ فرض اے پئی ہر روز اوہ ایہہ دعا کرے: ”تیری بادشاہی آوے“، الٰہی سچائی، حیاتی تے پیار دی سلطنت میرے اندر قائم ہووے، تے سارے پاپ میتھوں نکل جان؛ تے تیرا کلام سارے انساناں دے پیارنوں ودھاوے، تے اوہناں اُتے حکومت کرے۔

چرچ مینوئیل، آرٹیکل VIII، سیکشن 4۔

مقصداں تے کماں دا اک اصول

نہ کوئی مخالفت تے نہ کوئی ذاتی تعلق مادری چرچ دے کسے رکن دے مقصداں یا کماں اُتے اثر نہیں کرنے چاہیدے۔ سائنس وچ، بس الہی بیارای حکومت کرداے، تے اک مسیحی سائنسدان پاپ نوں رد کردیاں ہوئے، سچی پراہ بندی، خیرات پسندی تے معافی نال بیار دیاں مٹھیاں سچیاں داپر چھانواں بن دااے۔ ایس چرچ دے سارے رکناں نوں سارے پاپاں توں، غلط طراں دیاں پیشین گوئیاں، منصفیاں، مذمتاں، صلاحواں، غلط اثراں نوں لین تے غلط اثر دین توں آزاد رہن لئی ہر روز خیال رکھنا چاہیدا اے تے دعا کرنی چاہیدی اے۔

چرچ مینوئیل، آرٹیکل VIII، سیکشن 1۔

فرض لئی چستی

ایس چرچ دے ہر رکن دا ایہہ فرض اے پئی اوہ ہر روز جارحانہ ذہنی صلاحواں دے خلاف اپنے آپ نوں تیار رکھے، تے رب، اپنے قائد تے انساناں لئی اپنے فرضاں نوں نہ کدی بھلے تے نہ کدی نظر انداز کرے۔ اوہ دے کماں دے راہیں اوہدا انصاف ہووے گا، اوہ بے قصور یا قصور وار ہووے گا۔

چرچ مینوئیل، آرٹیکل VIII، سیکشن 6۔